

北京圖書館古籍珍本叢刊

子部·叢書類

歐虞部集·附李英集

四卷都下贈言一卷

北京圖書館古籍珍本叢刊

書目文獻出版社

5654
北京圖書館古籍珍本叢刊 81

子部·叢書類 歐虞部集·附李英集

四卷都下贈言一卷

編者 北京圖書館古籍出版編輯組

出版 書目文獻出版社

(北京文津街七號)

印刷 民航印刷廠台湖分廠

定價 一〇一元

ISBN 7-5013-0556-0 / Z·13

歐虞部集

百學先賢志四卷 思玄堂集八卷 旅燕集四卷 浮淮集七卷
詔中稿一卷 廣陵十先生傳一卷 游梁集七卷 南葛集一卷
北轅艸一卷 龐館集四卷 西署集八卷 秣陵集八卷
詔歸集一卷 蓮園集二卷 文集廿二卷 附李英集四卷
都下贈言一卷

虞部公行狀

郡人楊瑞雲撰

歐大任字楨伯南海之順德人其先金陵人也唐末諸區世居江乘梁乾化間處士觀昱遷于韶濱昌八傳至宋建炎金兵南下提舉江州常平茶鹽公事端始遷廣州生右文殿修撰志平志平生西京留守推官慶昌慶昌生洪州司法叅軍孺文孺文生實錄院檢討紹霖紹霖生監滄州鹽山稅泰亨泰亨生上舍生仕衡仕衡生武僊縣縣丞子服

虞部公行狀

虞部公行狀

一

子服生國珪國珪生真禮真禮生思本思本生祖華祖華生宗平宗平生愼愼生贈奉政大夫南京工部虞衡清吏司郎中世元配贈宜人孔氏正德丙子十月念五日實生楨伯楨伯蓋鍾嶺海之秀云楨伯質靈異三二歲時每出必就奉政公揖返亦然差長絕無外慕勤問學一目成誦奉政公故多積六籍諸子悉其觀覽年十四以春秋應有司試補邑弟子員時督學林端簡公雲同嘗合十郡雋異士三試之俱首楨伯偕黎惟敬梁公實從黃

文裕公佐學文裕公大奇之曰吾門顏閔游夏也兼德行文學二科首之矣楨伯於心性文藝經濟律呂咨叩極其精核還赤花開戶爲舉子業八應鄉舉不錄迄嘉靖癸亥以明經從天下郡邑士千八百人試大廷瞿文懿公景淳得楨伯卷大驚異曰此一代才也特進世廟御覽列名第一楨伯自此名藉藉京師一時薦紳學士母論識與不識皆知有南海歐楨伯矣因與齊李子鱗謝茂秦吳王元美汪伯玉徐子與楚吳明卿唱和都門稱

虞部公行狀

虞部公行狀

二

同盟焉銓部但循資授江東訓導隆慶中遷光州學正中州人士鮮知學君晨夕進諸子弟誨以孝弟品其文詞州士始知向方以校書歷中岳大河弔漢宋故墟至今傳頌其光武廟朱仙鎮諸作追風雅勒史籍歷邵武教授國子助教專以作人勸學爲本務六館生大半執經門庭人謂韓愈四門胡瑗直講不爾過也上幸太學賜衣一襲有臨雍頌紀盛典上亦先聞楨伯才名一日萬幾偶暇親瀝宸翰躬作不二二字賜之字大如斗筆法

道勁字體端肅時 上猶冲齡也楨伯日夕焚香披對還里日特築寶翰樓藏之以爲世珍已卯改大理左評事楨伯謂刑獄至重一成不可變每巡城御史司寇郎論囚至必夜閱文卷朝審囚徒有一可以生者無不殫心力面論死者必中律大理卿王友賢得楨伯所平反十有五人故三黃太監姪殺人司寇以小火者抵罪楨伯再剝之會火者擊登聞鼓鳴冤比部四五曹郎先後鞠審者固以嚴卿議詞再至曰政府亦謂此獄當蔽於火者也

虞部公行狀

虞部公行狀

三

楨伯曰火者與其人毆於一月前及再毆下手致命加功者非火者也豈得以受賄族人出首狀枉死火者大理不知畏人只畏三尺耳卒正之一日奉大理兩封事入其一許威曉家人論絞也中貴人自內出據中門受諸臣封事曰大理兩封且去楨伯噴目大呼曰大理臣奉陛下法評當論奏誰敢阻却御前封事耶一時府部院寺科道監衛諸臣同上奏者相顧吐舌辛巳遷南京工部屯田司主事凡屯種蘆課班匠按科稽理積弊稍稍釐正

壬午轉虞衡郎中諸軍器審冶工作多與內府監局相連按以舊條所營造官殿陵廟城垣靡不先備與同官祇役督修 孝陵有白金文翰之賜鼎建玄武門竣工甲申秋楨伯再疏得請致仕矣仍賜綵幣於家楨伯歸就祖遺室赤花居焉門徑如舊建小樓爲藏書府右史左圖日夕披對絕不問家人生產家徒四壁裕如也時野處屹然係四海之望部使藩臬郡邑長鮮得覲公面間有移舟就公廬者一見歡如平生歲一出爲浮邱社會省人

虞部公行狀

虞部公行狀

三

士望見麾蓋環擁路衢問奇門下如市厥訓兒孫以沈默約弟姪如嚴師處鄉黨恂如也時出所有賙黨閭不自給者不令人德已修始祖祠每冬至率三千子孫奉饗禮遵伊川東萊爲家廟以祀奉政公孔宜人而墓道則石表如制曰不敢儉吾親也所著有百越先賢志四卷家乘二十卷思玄集八卷旅燕集四卷浮淮集七卷輶中集一卷廣陵十先生傳一卷游梁集七卷南翥集一卷北轅集一卷鹽館集四卷西署集八卷秣陵集八卷詔歸

歐虞部集 虞部公行狀

集一卷 遽園集十卷 虞部全集七十卷 乙未十一月朔卒于正寢 壽八十大都 楨伯質清癯如鶴 自少而壯而老 率三更膏火爲常力 追古先聖著作 比李杜而厄於一第 弗克盡所展布 其緒餘自表 見者止此 請以備太史採焉

家虞部公傳

族曾孫必元誤

公諱大任字楨伯廣州順德人以歲薦起家歷仕至南京工部虞衡司郎中故又稱虞部公宋右文殿學士公十五世孫也父曰贈奉政公世元配孔太宜人於正德丙子孟冬二十五日實生公就館之夕紅光滿室太宜人心竊異之奉政公行淳篤有長者風而又好讀書所著沙洲稿行于世舉太夫子四虞部公居長次公衡仲大鈞叔子明叔大

歐虞部集

虞部公傳

十

謨季子經季大章皆翩翩不類田家兒獨公少時朗秀異常五歲奉政公口授之書輒成誦見客客使屬對必工九齡從里塾師日咕嚕習經生業已悉肱奉政公倭得五經檀弓左氏莊列屈原李杜諸家言旁讀二十一史奉政公奇其意弗禁也遂能爲聲詩藉藉傳里中而更精春秋公羊穀梁胡康侯傳就試有司俱第一人弱冠以儒生入棘闈試卷爲大叅項公所得大嘉賞識首薦于部使者曰母論麟經可稱白着卽二三場淹通今古恐亦

非帖括家所易得宜亟收衡文者竟以一二字違式見擯甚非項公意也項爲黃文裕公高足闡後竟持公卷以呈文裕文裕賞識如項公公始執羔鴈同梁比部公公實黎秘書公惟敬潘光祿公少承朝夕師事焉文裕賞公見所作南粵賦覽畢嗟嘆良久以爲莫及謂在孔門必登游夏之堂卽應漢科亦入董賈之室其見重如此餽虞學宮十餘年每試必冠軍督學林端簡公雲同張萊溪公希舉嘗合十郡異等十三試之俱以公爲第一人是

歐虞部集

虞部公傳

三

時邑令蒲陽方公君敬尤爲折節邀同郡丞陳公士鶴與其子督學公子及讀書署中制舉之外益發憤下帷遍考國家典故以及律呂天文輿地諸稗史嘗與修廣東通志多所考訂以補前人之缺其誤大司馬翁公萬達太守唐公守勳諸傳尤得班馬體裁纂有平陽家乘二十卷其自序嘗曰余歷述黃帝以來爲姓系紀以先人嘗志斯事世與諸牒論次舊聞網羅放失自金陵初遷苗裔綿遠宗法固存始祖之祀雖尊雄州而金陵以來世

大可紀大任於是遡觀昱公而下繫之國史以爲世表明大宗之法使子孫萬世有所考焉我祖生當衰曆唐自乾符以來江淮盜起至梁開平乾化中楊行密父子僭據東南觀昱遷於此時甫自弱齡兼羅荼苦未幾而金陵有徐溫李昇之亂中朝人士往往避地嶺外王定保李衡周傑皆前代衣冠之族乃不免爲劉隱所招禮徇我祖戡翼綿圖潛鱗菱潭迨宋之興始以其子策名上國受祿位焉故由提舉學士以及武仙公八世簪紱不乏上

歐虞部集

虞部公傳

五

舍公當宋末猶能與樂清劉黻吉水鄒鳳伏闕上疏條陳政治得失劾賈似道專政誤國其言不用歸構九峰書院聚徒講學著有詩文集十卷散佚過半大任始輯其所存者三卷并理學簡言一卷付之梓人非敢求行于世亦吾家之天球河圖也夫公入戰棘圍俱弗獲雋當世廟癸亥春以明經入貢需次于闕下一時天下郡邑士千八百餘人待試大廷瞿文懿公景淳爲宗伯讀公卷大驚曰此一代才也必當以古文詞登壇執苑特進

御覽列名第一都人士無論識不識無不知南海有歐楨伯先生已值太倉相國王文肅公讀書中秘固麟經宗匠深賞公經義延歸家塾與其弟督學公元馭結社課文更索覽其所爲家乘而序之語具詳序中甲子秋就大京兆試亦幾入彀而復罷遂謁銓曹循資授直隸江都文學掾是時濟南李觀察于麟瑯琊王司寇元美吳興徐方伯子與武目吳大參明卿新都汪司馬伯玉豫章余憲副德甫銅梁張大司馬肖甫上蔡張中丞助甫並建

歐虞部集

虞部公傳

四

旗鼓雄視中原皆從郵筒中緘致詩札各願得交歡於廣陵開竹西社羣諸弟子陸無從弼及山人茅平仲郭次甫程子虛李季常陸華甫吳叔承朱仲開邵長孺吳虎臣康裕卿日相倡和王元美李于鱗徐子與三先生又聯騎過訪其學官首蒞留歡數日乃別題咏諸什幾與廣陵濤爭勝人皆誇以爲盛事云雖不及追宗督學子相游而受命部使者爲宗臣立傳李于鱗稱其有良史才洵不誣也隆慶己巳漕運中丞方公濂首薦于朝遷河

南光州學正中州人士鮮有好學嗜古者公至光
晨夕進諸子弟誨以躬行品以經術然後旁及諸
子百家士始知力行慕古所歷中岳大河弔漢宋
故墟至今傳誦其光武廟朱仙鎮諸作可追風雅
遷邵武府教授以孔太宜人喪奔歸服除補南康
府未任卽擢國子監助教專以作人勸學爲本六
館諸生大半執經門下人謂韓愈四門胡瑗直講
不能過也值 顯皇帝幸太學賜衣一襲公賦臨
雍頌以紀盛事 上亦先聞公才名一日萬幾稍

歐虞部集

虞部公傳

五

暇親瀝宸翰躬作不二二字賜之字大如斗筆法
遒勁字畫楷整時 上猶冲齡也公日夕焚香披
對致政歸里日特築寶翰樓藏之以爲世珍時館
閣諸公稱詩者雲集 輦轂如許歛縣張新建沈
四明趙蘭谿四相國王定安劉邱任何信陽三宗
伯沈君典趙汝師王札昌范伯楨黃懋中數太史
王奉常敬美方銀臺允治邱計部謙之邢侍御子
愿湯堯文韋顯純兩國子李宛平襲美及吾嶺南
梁舍人思伯爭相把臂至郢中大司空曾公則最

爲暱好稱爾汝交其後有張羽王魏懋權喻邦相
沈純甫胡元瑞田子藝胡孟弢屠長卿郭建初莫
雲卿張元易馬用昭門人則程無過程虞仲潘子
朋詩僧如鎮繼正秀德清如序閒引爲方外友都
市詩壇會無虛日亦一時之盛也公有季弟入燕
訪兄亦以詩書鳴得闖入社會稱爲大小歐其三
弟明叔公以諸生工詩律嗜酒早卽世仲則以詩
寄於商卒金陵公有文誄之曰三人儒業一人商
游商旣不遂儒亦未顯讀之令人酸鼻已卯改大

歐虞部集

虞部公傳

本

理寺左評事公謂刑獄重典一成不可復變每巡
城御史及司寇卽論囚至必夜閱文卷朝審囚徒
有一可以平反者無不殫心細鞠其從輕出罪者
最多闍宦姪有殺人司寇以小火者抵罪公再三
難之會火者擊登聞鼓鳴冤比部四五曹卽先後
鞠審者固以嚴卿諫詞再至曰政府亦謂此蔽於
火者也公曰火者與其人毆於一月前及再毆下
手致命加功者非火者也豈得以受賄寬人大理
不知畏人只知畏三尺耳奉直之一日大理兩封

事人其一許戚晚家人論絞也中貴人自內出據中門受諸臣封事曰大理兩封且去公裂眦大呼曰大理臣奉 陛下法評當論奏誰敢阻却御前封事耶一時府部卿寺臺省諸臣同上奏者相顧吐舌權相當國足以奔走天下縉紳欲留公入爲兩制使所知諷意公引嫌遠避而南工部之命下矣初遷屯田司主事凡屯種蘆課班匠按科籍理積弊稍稍釐正壬午轉虞衡司郎中諸軍器審治工作多與內府監局相連按以舊章所營造

虞部公傳

虞部公傳

官殿 陵廟城垣無不先備與同官祇役督修

孝陵有白金文綺之賜鼎建立武門竣工甲申秋年僅七十卽上書乞骸骨得允便單車就道已居金陵結有清溪社與臨淮李侯惟寅西寧宋侯忠甫誠意劉伯國禎顧司勳道行李司封于田劉大理長欽許奉常仲貽余太史孟祥郭水部相金臧博士晉叔余明府宗漢及孫齊之張幼于王伯穀殷無美金在衡汪仲淹俞仲蔚曹子念汪仲嘉梅禹金梅季豹黃白仲陸伯生周公瑕吳公擇沈士

範李季宣錢功父汪象初俞羨長胡茂承盛仲交汪禹父管釋圭諸先生爲詩酒會公飲不能枯勺然每夕讌集卽達旦不倦平生無賸與妾陳宜人夫妻相敬如賓自少出就外傳歸必揖兩尊人然後飯配室後夫婦出入必相揖所至宦遊必攜一老記室曰李生英亦能詩楚楚有聲於海內至今猶有誦李英詩者雖不能勝方回而度出蕭穎士杜亮上也由秣陵歸道經吳門訪王二仲于弇園入都數往來豫章其朱邸之交則宗侯用晦貞吉

虞部公傳

虞部公傳

宗良孔陽魏甫佳甫弗斯同伯子深鬱儀諸先生歸就赤花洲上鑿池開徑秣杞菊以供賓客構清朗閣以藏積書雖至老非大寒大暑不輟卷絕不問家人生產田園無所增益於先人獨倡諸子弟設祭田建家廟祀奉政公及孔太宜人朔望禴祭一如家禮又設宗法立族老族正以率宗入冬至會三千餘衆瞻拜祠下衣冠雲集尤他族所難者鄉居罕入城市部使者藩臬郡邑諸大夫罕得覩公顏面督學就李郭公親造其廬偕入羅浮訪葉

民部化甫先生盤桓於四伯峰間遍爲題咏間爲赴浮邱社入五羊會省人士擁道而觀者皆稱爲神仙觀公溫然之容與藹然之度似無貴賤長幼俱樂與笑談然涇渭甚明門牆頗峻家食後非通家子弟與名士詞林不能輕入一刺在城則故人黎惟仁唐寅仲柳君肅三先生及朱季美劉李德黎君璽劉道子蘇叔大潘子遷諸子餘外寥寥也居鄉則黃少嘉關伯玉李裕德關少璋黃元光族屬諸子如虞鄉華王少功啓薦諸伯叔及先府君

歐虞部集

虞部公傳

九

啓明招入蓮園談詩爲樂大有竹林風遠客則蒲陽吳山人元翰高涼李孝廉惟實過訪或徵詩或乞文者蹟相接而公應之裕如也七十餘猶矍鑠拜起如壯年歲時伏牖與宗黨譙會必劇歡卽重稚繞膝亦嬉笑盡日而去必元弱冠補諸生間得侍公杖履或同舟來城縱談竟日或讀余一二少時初作詩曰咄咄孺子可教爲之點竄一二語焉嗚呼今已矣哉公博洽不出文裕公下故其詩文大都典雅有法沉鬱而不鑿空非少年以汗血逞

者所著有百越先賢志四卷家乘二十卷廣陵十先生傳一卷思立堂集八卷旅燕集四卷輶中集一卷浮淮集七卷游梁集七卷南翥集一卷北轅州一卷離館集四卷西署集八卷秣陵集八卷詔歸集一卷蓮園集十卷虞部文集七十卷行于世當世作者無不知有歐虞部詩文已但其胸羅典籍識豫經綸則未有窺之者余讀其在江都時所上兩淮屯鹽事宜曰私鹽不禁官鹽不行官鹽既平私販自息祖宗時商人支鹽本少利重民食賤

歐虞部集

虞部公傳

十

鹽鹽竈有工本之給受惠甚厚私鹽豈能復行今客商用本既多支買歲久而官鹽貴矣竈丁每正鹽一引僅得賑銀五分而恩意薄矣此民間竈戶所以寧不畏法而願食賤鹽敢于私販也不求其本必欲盡法繩之朝鞭夕撻日亦不足徒苦肩挑背負易食小民耳必如明示倣工本鈔遺意官收竈戶餘鹽恩威並舉著爲令甲漸復舊制是謂澄源且兩淮鹽課除水鄉徵銀外三千場俱徵本色惟兌價一場折色後白駒場准納折色五分西亭

場准納折色三分嘉靖十八年大水各場俱暫免納本色每引折價一錢四分其遞年總催拖欠折追價銀二錢自今言之其納本色不若折色爲兩利也納本色在竈丁則有蓼蓆之費風雨消耗之費吏胥常例之費合無比照兩浙見今事例俱納本色每引以二錢爲率量其場分豐歉價因低昂類解運司榜派扣商應納賑銀支給聽商買自補庶竈商兩利而包賠之患可免矣屯田之弊莫甚於奪占清理既明必公于撥給今須查每衛指揮

虞部公傳

虞部公傳

士

一員管屯軍若干千百戶每員各管屯軍若干某其下該屯田若干頃畝又各官軍餘家人自耕種者若干頃畝年故者除新僉者補造立冊籍沿衛查清如多者卽屬占奪有軍無田者卽應撥給蓋聞國初屯田鹽法相爲表裏邊屯旣廣糧艸日賤商人中納本色飛輓易集此邊境所以富強而夷虜所以畏懼者也當事採之著爲令甲其在國子時所應詔上封事者有四一日率講習以敦明實學二日申法制以廣生徒三日修載籍以重

虞部公傳

虞部公傳

士

掌故四曰崇實學以表賢才其意以爲國初薦辟科貢並行卽嘉靖初年申三途並用之例於是舉人監生孫翥爲給事中歲貢監生張澍爲御史一時六館諸生爭思奮勵皇上光嗣祖宗敦學明倫之治伏乞敕下該部甄拔六館行誼端方之士容臣等從公薦舉一二以備擢用安知貢無師達許觀舉無夏原吉陳獻章蔭無張敷華例無羅玘輩哉疏上舉朝避之欲著爲令甲而不果觀公所建宦蹟與所敷陳事宜鑿鑿可行言可采非老成經國洞晰古今寧渠恍惚乎至於以評事抗戚畹犯閹宦避權臣尤人所難奈何徒以博雅修詞槩公也致政後得優游林泉間十餘年年八十乃終于正寢子一莘字子耕能詩先公卒孫一胤昌字裕穀爲國子生曾孫興沛等俱世其家然廉吏之後家無負郭卽世四十餘年幸藩伯孫曄芝公念通家世誼捐俸以助麥舟今則邑侯劉公申請而督學魏公嘉意作輿始附祀于宮墻俎豆亦千載一時也故敢爲之論次如此

必元曰王弼州有云余讀太史公敘致九流顧獨
不及文章家言詎藝乎哉誦者少其貶詘節義然
至傅叔田司馬相如抑何其詳璽厥志也范曄事
成漢書陳承祚志三國稍稍具列獨行文苑稱有
尚矣今虞部公以詩雄當世以博洽見重詞壇但
未聞以篤行政績著得非以藝掩乎黃文裕稱其
登游夏之堂庶幾知言後世有知已出當不以茲
傳爲阿所好

虞部公傳 載萬姓統譜虞部公傳等書

廣東通志傳 載萬姓統譜卷六十三虞部公傳等書

歐大任字楨伯順德人博涉史籍與黎民表梁孜梁柱臣相友善俱以詩名以明經授江都訓導歷虞衡郎中當大任北遊時歷下瑯琊諸大夫主盟詞壇見大任爭推轂之日相唱和名益起海內無不知有大任者後以老乞休卒年八十有虞部集行於世論者謂大任性恭謹少忤於世故卒不能致位通顯云

廣州鄉賢傳 卷三

歐大任字楨伯順德人少雋穎博涉史籍工古文辭詩賦弱冠即名噪諸生間與梁有譽黎民表梁紹震相友善隆慶庚午以序貢授江都訓導轉光州學正一以古學造士萬曆乙亥陞國子監助教時歷下瑯琊諸大夫主盟詞壇見大任爭相推轂日與唱辭名益起上幸太學大任以國學官序得左右侍上亦先聞大任才名一日萬幾偶暇親灑宸翰躬作不二二字賜之字大如斗筆法道勁字

體端肅時上猶冲齡也大任日夕焚香披對還里日特築寶翰樓藏之以爲世珍晉大理寺評事多所平反扈從南郊命賜果餅回國貢千里馬上卻不受大任恭賦天馬篇以頌尋轉南京工部員外晉郎中京師名公巨卿咸與交歡登諸山謁孝陵望牛首放舟秦淮憑弔六朝遺跡在在皆有詩歌紀勝由是海內無不知有大任者尋以年老倦遊乞致仕歸年八十卒著有秣陵集游梁集應館集思玄堂集白下游梁稿百粵人物考虞部集諸

歐虞部集

虞部公載各史志傳

書其僕李英亦能詩王世貞輩每過大任必問曰君家青衣安否一日偶報邊警館閣巨公集賦紀事詩英亦呈一絕云蕭關風急馬頻嘶四塞河山動鼓聲獨立高臺望烽火口笳多在薊門西客大嘉歎異詩竟成帙徐中行爲之序錢謙益刻入列朝詩選

順德縣志傳 卷三

乾隆十五年新志卷三十三文苑

歐大任字楨伯龍津人博涉經史與黎民表梁有譽梁紹震相友善長於詩歌以明經授江都訓導

光州學正歷國博虞衡郎中當大任北遊時歷下
瑯琊諸大夫主盟詞壇見大任爭推轂嚴重之日
相唱和名益起與七才子並驅才或過焉海內無
不知有大任者所經陸止則車馬盈門水次則舳
艫相屬望顏色聆餘論雖事卿相不如也著有游
梁集雍館集思立堂集行於世

百越先賢志序



自昔列國史失其守乃有州郡
傳記行世如汕南陳留之比大
抵各以所產名賢為宗略疏行
能用貨風教然未有內起吳會
外及交南地廣萬餘里人閩二

子年志稽隱索名立實從如南
海歐先生楨伯百越先賢志云
始余見廣以東人物志間有名
藉史漢多曠每嘆其該洽可為
二京十三藩國志者今乃知其
勞勩一出楨伯質以是書則然

爾時楨伯尚在諸生列治經少
休即配周秦二漢書記覽之動
心曰士生當世未得託足乘輅
論心傾蓋便可恬然玩晨暘夕
毋希目前里兒爭試經焉下已
哉它不設慕會稽以南文趾以

北固古百粵地也所產先猷皆
吾同里論世尚及把書而是何
必車極馬跡周游四極意乃快
乎因錄貯篋徵見厥志乃後上
公車授經揚汕入為太學廷尉
官屬至南虞部郎歸當是時太